




REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION

TV Dukagjini
Ermal Panduri
Drejtor
Prishtinë



VENDIM

**Lidhur me Rastin Nr. 2021//321- Komisioni i Pavarur i Mediave (KPM) për
TV Dukagjini (Palë përgjegjëse)**

Faktet

1. Komisioni i Pavarur i Mediave (KPM) është përgjegjës për zbatimin e Kreut VIII të Ligjit Nr. 03/L-073 për Zgjedhjet e Përgjithshme në Republikën e Kosovës, me anë të të cilit përcaktohet sjellja e mediave gjatë fushatës zgjedhore. Duke u bazuar në kapitullin VIII të këtij Ligji KPM ka nxjerrë Udhëzuesin për të ndihmuar të licencuarit që të veprojnë në pajtim me Ligjin për Zgjedhje.
2. Komisioni me datën 18 tetor 2021 mori Vendim që Palën Përgjegjëse ta sanksionojë me gjobë në shumën prej dy mijë (2,000) euro për shkelje të Rregullores KPM 2017/07 për Komunikimet Komerciale audiovizuale dhe Ligjit Nr. 03/L-073 për Zgjedhjet e Përgjithshme për shkeljet e gjetura gjatë Zgjedhjeve Lokale 2021.
3. KPM me 1 nëntor 2021 i ka dërguar Palës përgjegjëse Udhëzuesin për zbatimin e Kreut VIII të Ligjit për Zgjedhjet Nr. 03/L-073. Qëllimi i dërgimit të Udhëzuesit ka qenë që të licencuarve t'ju ofrohen udhëzime për respektimin e dispozitave ligjore gjatë mbulimit të fushatës zgjedhore për balotazh.
4. KPM me qëllim të vlerësimit të pajtueshmërisë së Palës përgjegjëse me Kreun VIII të Ligjit për Zgjedhjet si dhe Ligjin dhe aktet nënligjore të KPM-së ka bërë monitorimin e ofruesit të shërbimeve mediale gjatë fushatës zgjedhore të balotazhit. Bazuar në Raportin e monitorimit të datës 10 nëntor 2021 ka gjetur se Pala përgjegjëse në emisionin "Debat Plus" të transmetuar me datën 8 dhe 9 nëntor 2021 ka pasur reklamim me ekran të ndarë, ka qenë i sponsorizuar dhe ka pasur vendosje të produkteve, duke vepruar në kundërshtim me Rregulloren KPM-2017/07 për Komunikimet Komerciale Audiovizuale.
5. KPM, pas të gjeturave nga Raporti i monitorimit, me datën 10 nëntor 2021 i ka dërguar Palës përgjegjëse Njoftim për Shkelje, me të cilën e ka njoftuar për shkeljet e bëra dhe e ka udhëzuar që menjëherë të veprojë në pajtueshmëri me Rregulloren e KPM-2017/07, duke mos transmetuar përmbajtje të tilla komerciale në emisionet e çështjeve aktuale.

6. KPM, për të vlerësuar ardhjen në pajtueshmëri të Palës përgjegjëse me Kreun VIII të Ligjit Nr. 03/L-073, si dhe Ligjin dhe aktet nënligjore të KPM-së në mënyrë të vazhdueshme ka bërë monitorimin e këtij ofruesit të shërbimeve mediale. Bazuar në Raportin e monitorimit të datës 11 nëntor 2021, KPM ka gjetur se Pala përgjegjëse edhe me datën 10 nëntor 2021 ka vazhduar t'i përsërisë shkeljet e njëjta sa i përket Rregullores KPM-2017/07 për Komunikimet Komerciale Audiovizuale duke vepruar kështu në kundërshtim me nenin 12 paragrafi 1, nenin 14 paragrafi 3 dhe nenin 15.

Analiza ligjore

7. Komisioni i Pavarur i Mediave bazuar në analizat dhe faktet e lartpërmendura konstaton se Pala përgjegjëse ka vepruar në kundërshtim me ka vepruar në kundërshtim me nenin 12 paragrafi 1, nenin 14, paragrafi 3 dhe nenin 15 të Rregullores KPM-2017/07 për Komunikimet Komerciale Audiovizuale.
8. KPM konstaton se Pala përgjegjëse është njoftuar me kohë për respektimin e Ligjit Nr. 03/L-073 për zgjedhje, Ligjit dhe akteve nënligjore të KPM-së, i është dërguar Udhëzuesi me qëllim që t'ju ofrohen udhëzime për respektimin e dispozitave ligjore gjatë mbulimit të fushatës zgjedhore, mirëpo sërish është gjetur në shkelje. Bazuar në Raportet e monitorimit ka konstatuar se Pala përgjegjëse gjatë fushatës zgjedhore për balotazh në emisionin "Debat Plus" të transmetuar me datën 8, 9 dhe 10 nëntor 2021 ka pasur reklamim me ekran të ndarë, duke vepruar kështu në kundërshtim me nenin 12 paragrafi 1, të Rregullores KPM-2017/07 për Komunikimet Komerciale Audiovizuale, i cili përcakton se:

"Reklamimi me ekran të ndarë nuk duhet të jetë i tepërt në atë mënyrë që do t'ua pamundësonte shikuesve të vazhdojnë të shikojnë përmbajtjen editoriale dhe nuk duhet të përdoret në programet e fëmijëve, të fesë, të lajmeve dhe ato të çështjeve aktuale. Dispozitat e kësaj Rregulloreje në lidhje me orarin dhe kohëzgjatjen e reklamimit televiziv dhe teleshopingut do të zbatohen për reklamimin me ekran të ndarë."

9. KPM, po ashtu ka konstatuar se Pala përgjegjëse emisionin "Debat Plus", të transmetuar me datën 8, 9 dhe 10 nëntor 2021, i cili trajton çështje aktuale politike, sociale, ekonomike dhe zhvillimet e fundit në vend, e ka sponsorizuar, duke vepruar kështu në kundërshtim me nenin 14 paragrafi 3 të Rregullores KPM-2017/07 për Komunikimet Komerciale Audiovizuale, i cili përcakton se:

"Programet e lajmeve dhe ato të çështjeve aktuale nuk do të sponsorizohen."

10. KPM ka konstatuar se Pala përgjegjëse në emisionin "Debat Plus" ka bërë edhe vendosje të produkteve, duke vepruar kështu në kundërshtim me nenin 15 të Rregullores KPM-2017/07 për Komunikimet Komerciale Audiovizuale.
11. Komisioni si rrethanë rënduese për Palën përgjegjëse ka konsideruar dështimin e vazhdueshëm të këtij ofruesi të shërbimeve mediale për të vepruar në pajtueshmëri me aktet nënligjore edhe në të kaluarën, konkretisht në Zgjedhjet Lokale të vitit 2021.

12. Komisioni, duke u bazuar në faktet dhe analizat e lartpërmendura ka konstatuar se Pala përgjegjëse ka bërë shkelje të nenit 12 paragrafi 1, nenin 14 paragrafi 3 dhe nenin 15 të Rregullores KPM-2017/07 për Komunikimet Komerciale Audiovizuale

Vendim

13. Pala Përgjegjëse sanksionohet me gjobë në shumë prej tre mijë (3.000) euro në pajtim me nenin 30, paragrafi 1.3, të Ligjit të KPM-së, për shkelje të nenit 12 paragrafi 1, nenin 14, paragrafi 3 dhe nenin 15 të Rregullores KPM-2017/07 për Komunikimet Komerciale Audiovizuale.

E drejta për ankesë

14. Ankesat i parashtrihen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.
15. Bordi për Ankesa do t'i merr parasysh vetëm ankesat e bazuara në informacione ligjrisht relevante të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.


Xhevat Latifi
Kryetar



11/11/2021
Datë